

零陵縣志卷十一

永州府知府長白錫 齡閱定

零陵縣知縣三原武占熊重修

耆壽志

記云虞夏殷周天下之盛王也未有遺年者年之貴乎天下久矣我

朝

聖聖相承既祈天永命亦歛福錫民

聖祖仁皇帝享國六十一年

零陵縣志

卷十一

耆壽

高宗純皇帝享國六十年一堂五代求之自古帝王實未嘗有乃以

壽身者壽天下臣民於歷年

大慶優賜內帛外嘉慶元年

特詔耆民七十以上給九品頂戴八十九十百年給八品

七品六品以次而加躋海隅蒼生於仁壽榮台背黃

髮以章服視古之養於庠序學禮以燕饗食不更

德洋恩普乎舊志載耆壽二十一人茲查闔縣於元年

膺品秩者一百二人仍須本人子孫赴志局具報與



案相符方准續登聿昭慎重之義此外有公舉年八
九十以上實係齒德俱尊并查錄以廣引年之隆禮
其他年高而德不邵者衆論未協無敢徇濫志者壽

第十一

明

湯 澤景泰間人原籍江西永新縣移居零陵恩賜壽

官

李世鑾居北郭壽一百零二歲生正德十一年丙子卒
萬歷四十五年丁巳郡守王景嘗詣問以匾旌之曰

零陵縣志

卷十一

耆壽

二

百歲康寧題聯曰壽過三萬六千日福始尋常一寸
間守憲馮時可亦訪焉賜額曰永城人瑞建石坊于
北關外太守宋祖騰題曰清修上壽

乾隆間坊圯

歐 袞字補之壽九十九歲太守王景嘗致問云人生
七十古來稀歐老人九十有五矣甚可嘉尙鮮肉白
米聊致養老之意不必來謝後越四年乃卒

謝 昂壽九十餘父遺鉅資兄弟競爭昂艱然曰吾聞
難得者手足未聞難得者貲財也分文不受盡以委
之兄弟終無怨悔以生涯自活

蔣良佐字名卿壽九十歲守分好義月旦推重有賄公以金欲誣人以事而陷于法者佐曰彼殺人而我操刃謂天理何雖饑且死不爲也速持去毋污吾竟爲受誣者力解官納其言事得白嘗置義田數畝以食家之賢者

謝惟敏壽八十餘西隅人天衢之父恩例壽官有四弟分父業蕩盡敏悉爲婚娶且讓己田令鬻以償豪右又撫孤姪成人完娶以全弟祀子孫世顯宜矣

張師古字尙友壽九十生而穎異早入郡庠有文名力

零陵縣志

卷十一

耆壽

三

行孝弟太守黃彬特舉鄉賓

鄧一楠字良材壽逾八十早遊庠序晚適林泉齒德俱優恩例錫儒官郡守舉鄉飲賓

王一德壽九十性仁慈恂恂篤行守憲鄧公獎云助書田而事兄克讓嚴義訓而教子有方生平不入公庭善行允孚鄉黨人謂其言皆徵實

彭士彥字美之少泉之子壽八十八性孝友嚴謹與人交終身不二妻早喪不娶友勸之曰予豈矯情者然每誦曾子孝衰妻子之言輒生悲惋敢忘其訓獨處

五十年悠然得自子文燭貢生煥庠生

尹一長字子德壽八十一郡庠生穎異能文試輒高等督耕課予以詞賦爲樂考終日語人曰吾自信生平未嘗出一妄語入一妄錢得終正寢足矣

蔣向選字文予尙書琬之後壽九十性慷慨不侵然諾樂善好施嘗如不及事親誠孝撫幼弟宸友愛篤至求名師訓以詩書又爲之娶二妻皆公次第經營之其先初非有儋石之遺也以亡讀書不售嚴於教子俾令有成晚年避地山居耽黃老術日擁道書數十

卷孜孜披閱熊經鶴欠若有所得至八十餘飲啖猶如少壯時子三長本厚貢生曾修邑志孫曾十餘人多遊庠

歐 湖號龍田壽八十三賦質淳厚好善樂施日行陰德不令人知然其顯者已共傳之家不踰中人產有貧乏者告以故輒予之不償勿計也視園扉之人赭衣縷縷無食者食之冬月寒者予以絮歲以爲常晚得一子名繼修登天啟丁卯賢書仕至廣西副使

蔣仲春壽八十五爲諸生文行兼修

蔡惟一壽九十六守憲史公委修府城鄉里稱其篤實
唐愈盛壽踰八旬非近無間舉鄉飲賓

高 綱壽八十八舉鄉飲賓

國朝

眭尙伊號任吾居名山壽八十八性慈厚寬然長者也
富而好禮接物待人惟恐有慢容雖三尺童子弗欺
順治四年歲歉斗米萬錢富家皆閉糶守價公獨較
時價減半遠至者與以一飯一鄉頌德焉別駕趙公
旌曰義賑一鄉

零陵縣志

卷十一

耆壽

五

徐士奇字君祥壽八十九性溫和鄉里重焉邑令吳公
旌之曰仁厚可風

劉正章壽九十五爲人謹厚鄉里推重

謝宗樸號忠陽東隅民壽八十二謹厚勤儉耕讀外無
他好鄉里尊敬太守許公虬賜匾曰寶樹彌芳卒之
日命子孫悉焚所貸之券子二次名逢遷庠生孫十
餘晉庠生

艾君求字九德壽一百零二歲樸實無文都督盧公延
至軍府優以粟帛太守柯公邑令王公賜匾旌其門

以前舊志以後新編

楊紹知字升庸隆慶里三壇峰人性剛直里中循謹勤儉者契若蘭其狙獪荒淫者疾若讐雅愛文墨士至則信宿相留情文備至其有貧不能自振于業爲之多方噓植俾其成嘉慶四年光令環因公過其廬贈聯云行春偶過三壇路問俗欣逢百歲人蓋心儀其爲人也年九十有七無疾終子大年太學生

劉芳明

名灼以字行九十歲終大木口人

右二名嘉慶元年 恩賜七品頂戴

零陵縣志

卷十一 耆壽

六

楊治可隆慶里三壇峰人孝親友弟字姪俱無失長男入學之年治可八十有一辰也不開筵願行千金善事凡濟貧造橋修路等已周千金邇年又加增凡幾現九十歲耳聰目明不離手者種德之書不離口者勸善之言

黃世杰郡城人現年八十七身猶強健無衰容孫入邑庠

譚颺廷興仁里人孜孜欲人爲善刻敬信錄勸世弟庠彥鳴廷紹廷皆颺廷玉成之也子二孫六曾孫四年

八十七

譚池飛太學生興仁里人以名場未獲進境庭訓愈嚴
凡諸說之足發明經義者手抄以授令成誦與弟子
飛雖分爨財用仍相通理家稍暇卽朗朗誦聲作子
姪構文或佳亦稱賞不置蓋屬望切也卒年八十五
子三二入邑學一入國學

張大勳興仁里人厚重質直睦族濟困子三孫九入庠
者一曾孫十七元孫一五代一堂年八十五卒

高仁園名儻以字行陽東山人現年八十五文酒自適

零陵縣志

卷十一 耆壽

七

偶揮聯或草序記雅俗共賞子懷祐邑庠生

呂必謹通德里人生平孝友處世謙和愛讀有用之書
常存心於施濟教子有聲列歲均卒年八十五

何玉芳字靜軒樂郊里人少孤貧徙上埠江營生資漸
饒所居市近山瘴重疫頻患疫之家四隣各戒避玉
芳時其飢渴排闥飲食之或煎藥送給卒不染設義
渡建涼亭修橋路助婚嫁及殮葬前後約數千金遇

紛爭難解者墊錢解之愛交讀書人無論識與不識
慤慤留款時玩先正格言手卷不釋元年由道州舉
報次年移歸本籍八十五歲卒子凌雲卿雲均入庠
王志達字成章冷水市人置身闖闖無一字入公門卒
年八十有五三子一入國學一入邑學

唐思虞上團里人無疾言遠色終身未涉訟年八十五
劉尙廉字清若巖頭人事繼母無失歡現年八十有四
身猶康強

胡仕頌祖江墟人爲人正直父早世力資季弟一枝成

零陵縣志

卷十一

耆壽

八

名現年八十眼明身健

伍一祥字有禎樂郊里人蚤孤事嫡兄恭析產求少受
曰我力業不及諸兄也母沒遇冥誕忌辰涕奠老弗
衰尙義解紛重讀書惜字片紙必收貯而火之流諸
江七十九歲終長孫星聚入邑庠

王者儒孝弟鄉清湘里人年三十喪偶終不復娶兄弟
六人同爨無間言七十八歲終

文相材祖江墟人慟幼失怙益謹事祖母母兄弟三人
已析箸有無仍身任之外祖母貧無依迎養終老嘗

拾得遺金還不受謝姪昭漢貧弗克讀玉成遊泮年七十五終子五入成均者二

黃陞金灘人 旌表節孝王氏之孫也父自後嘗買於

衡州行戶誤增銀百兩已棹歸舟查知廻舟還之陞

承父訓遇橫逆忍之又悲從不涉訟歉歲多所周卹

或貸不取息產業授受光明而忠厚機謀尖刻無有

也與弟獻怡怡然出入必偕有疾則躬湯藥衣冠儉

樸垂為家法七十三卒子孫姪入鄉國學者共八

尹培元大木口人母詹氏病足入室出堂躬負六年始

零陵縣志

卷十一 耆壽

愈曾賣棉花於祖江墟販夫誤多銀三十兩歸家方檢知曰彼數人合販不特失利恐類中致疑相角急走還之年七十三卒孫曾蕃盛

唐忠福 辛興里黃溪洞人現八十六歲

蔣華國 高溪人現八十六歲

謝伊書 上慶里羊角井人現八十四歲

楊向順 原名若巽隆慶里大樹脚人現八十四歲

蔣宗高 仁山人年七十二卒子二士陞入國學

劉一中 仁山人

黃世瀚 高溪人

倪時秀 進賢鄉人現八十八歲

蔡士章 鴨公塘人

葉際盛 進賢鄉人

楊宜洛 進賢鄉人

伍伯登 老埠頭人

屈正桂 黃陽市人

楊永茂 福田鄉人

王有斐 冷水市人

陳興然 岐山人

張茂伯 豐樂里人

呂必謹 岐山人

孫宗謨 進賢鄉人

張大仕 興仁里人

胡陞朝 福田鄉人

陳大儒 郡城人

陳一旻 井頭人

馬洪遠 進賢鄉人

呂純森 花橋人

蔣時達 石門口人

唐天輝 菱角塘人

黃啟秀 孝弟鄉水東里人

黃世義 水東里人

零陵縣志 卷十一 耆壽

鄧爾才 長田人勤業 教家有法

伍福槐 水車江人

唐應章 福田鄉人

伍元周 黃陽市人

呂禎文 花橋人

張爾亮 花山人

魏熊飛 黃陽市人

胡紹羣 福田鄉人

許全年 九江舖人

黃在泮 高溪人

陳大成 郡城人

陳一忠 辛樂洞人

蔣安榮 西城里白 竹塘人

魏來儀 黃陽市人

李垂訓

文正通 祖江墟人

屈本祿 字萬鍾郡城人進士之乘公裔孫性淳厚素正 直夫婦皆九旬同康健厥孫五代俱蕃盛

右六十四名嘉慶元年 恩賜九品頂戴以上共六十六名此外尚有三十六名因本家子孫未赴志局具報未便遽登

龍正富字貴寰北鄉人一百零三歲率真履素食不求精衣惟蔽體百歲誕辰劉總戎君輔壽以鶴齡永錫額

唐久億字翠吾順則里人一百零二歲樂守田園老而康強葛令匡世額曰大年錫類

何學智福田鄉營房洲人生於康熙五十一年現九十

零陵縣志

卷十一

耆壽

十一

九歲弟學相現年九十一性同耿介身同康健

毛錢字鼎先現九十八歲弟鉞字周先現九十一歲福田鄉樂塘坪人生平說直話行正事子孫俱蕃盛

王繼梁庠生寵予之次子木瓜埠人苦志芸窓數奇不遇年八十五褚學使廷璋取入邑學兩赴鄉闈乾隆已亥 恩科姚學使頤李中丞湖合詞 題請

欽賜湖南舉人共七名繼梁其首也時年九十一耆年邀恩自是科始後遂沿為例繼梁九十七歲終三子皆八十餘孫一休邑庠生

孫占鰲字經元歲貢生九十六歲謝郡守仲玩贈聯云
常參秘旨陳羲卦獨詣純修引絳年行詳鄉賢志妻

鄭氏壽八十九

周惟福字善之樂善里人壽九十六精於卜郡邑大疑
多詢之乾隆二十二年張郡守爲旃贈盛世君平額
二十三年祁陽楊令杞贈明言隱中三十八年惟福
年八十一侯令于郇壽曰秘啓青邱長孫鳳翥入太
學會元三十有七一堂五代云

張大仁字伯興與仁里人狀貌魁梧性勤儉甘粗糲荷

零陵縣志

卷十一

耆壽

十二

鋤不釋於手壽終九十有六母年九十八大仁左右
扶侍沒遇冥誕忌辰杯酒降神泣數行下同懷弟二
大儀年九十一五代同堂大仕亦七十六白首相依
友愛老而彌摯子若孫均有入邑庠遊太學者

呂周望武舉現年九十五

胡正貴字景智住西路杉木橋離城五里未嘗輕一至
焉年九十五卒

謝永則慶源里羊角井人年終九十四精醫理切切濟
人不計謝衣冠禮貌雖童僕輩不忽子能龍已八旬

廖三富字斯榮順則里人壯時凶刃危妻謝氏以

沒遂不娶人有紛力解己事則退讓不與人爭乾隆戊

戌己亥歲歉戚有窘無出者三富以己田與之變賣

癸丑石學使蘊玉給歲寒松柏匾壽八十五終

唐大有隆慶里楚尙人生於康熙四十八年歿於嘉慶

五年壽九十二歲正直而近情鄉里稱爲長者

蔣子玉隆慶里方坪人康熙戊戌年生現九十二歲

汪君恒大木口人壽九十二歲不雕不琢心口如一妻

陳氏亦九十子庠生澣八十九歲

零陵縣志

卷十一 耆壽

唐有伸字玉成北鄉兩頭塘人樸訥無華家近百口獨

綜理之現年九十二未嘗見官府嘉慶己巳郡守曾

給額嘉獎孫飛郡庠生

陳文洪邑庠生字次山明經景祐之子進賢鄉人壽九

十二歲郡縣學博莊曰正嚴柏贈膠庠耆舊額弟文

超年八十九文煒年八十四煒子顯國現八十六歲

一門壽耆孫輩遊庠耆五

劉大倫慶源里人壽九十二歲

唐若谷字又黃隆慶里人壽九十一歲

楊奇淮隆慶里人康熙丙午生終於乾隆丙子壽九十
唐原弼字亮臣隆慶里人若谷曾孫年八十一心嚴
正制行端方人咸推重子四邦定郡廩生孫繁
楊元祁隆慶里樓邸人生於康熙乙未歿於嘉慶甲子
壽九十歲

唐乃允隆慶里楚尙人不立崖岸不尙浮華一任本來
面目生於康熙庚子現年九十一

唐士珍字聘玉郡庠生曲河人生於康熙丙寅壽終九
十一父祖俱貢生隣有歐君耀因債逼嫁媳士珍詣

零陵縣志

卷十一

耆壽

十四

君耀出己券破之且向各債主緩頰事遂寢族有病
疫者親隣俱戒避士珍親問視且藥之舉家賴以甦
孫精一邑庠生

朱色袞郡城河西人庠生仕宏之父廩生仕朝之叔忠
樸不輕然諾尤重文士晚歲杜門未嘗出入城中現
年九十一猶健

陳命侯邑庠生進賢鄉人祖國吾無兄弟獨侍母風靡
者四輩年八十二卒命侯現年九十精堪輿日讀書
烏書不釋卷妻趙氏亦現年八十一子孫多列庠序

杜頤歲貢生性孝順初銓瀏陽訓導因母多疾星懇侍養及母卒復銓常寧以年近八旬不赴任鄉里稱之熊時龍高溪人勤業安分好施濟家教有法以壽終唐時發邑庠生進賢鄉西甲里人夫婦俱九十歲終兄弟六分居有年嫂忽孀子幼苦庄田遠時發以所分故居者易之不計肥瘠不憚移徙鄉黨義之子三孫六有入郡學國學者

高煦字天和寄居祁陽雙鳳墟嚴氣正性有不是面曉之於人前則隱夫婦年俱九十五代同堂嶽麓山長

零陵縣志

卷十一

耆壽

十五

羅興贈壽聯云偕隱忘年葛巾紈扇同佳引興瑤軸金樽長子禹甸今亦年八十孫遠揚早歲遊泮

王三瑞字子美湖塘人壽九十歲妻曹氏九十有四遇荒歉以田借人賣而自歸之曹亦出簪釧借與隣患時疫莫敢過其門三瑞躬飲食醫藥每至病家大呼曰我送藥來也病往往漸愈時有鬼怕大呼之語嘗曰既係親隣皆有不可逃之義奈何歡於平日而棄於患難耶自知死期先期集親屬少年一一教戒及期邀長者衣冠款洽一笑而卒孫勲

龍大湓字忠台河西觀止嶺人執義敢言凡排解不
嫌怨曲直必分於橋路等義舉設法成之家教肅然
一奉朱子家訓爲則終年九十有一後嗣蕃衍曾元
多遊庠序今修志勲同採訪目利普者其曾孫也
湯炳萼字馨園蕨嶺人昆弟三炳萼居次父相業貧不
自給適蜀授徒數載炳萼年二十餘走三千里迎歸
而兄弟各遷居赤手獨任父養中年邁疾其事父進
茶湯拭涕唾承溺器必力疾爲之喪葬不派兄弟年
七十六卒子培庠培序培康庠生孫曰銘庠生

王昌環冷水市人年八十三勤儉起家天和頤養俯仰
快適子鶴蓊援例得州同職孫枝蕃盛

薛鳳飛號來儀邑庠生土坪人現年八十九敦樸有古
風父八十六母九十六二弟皆八十一門耆壽

翟首舉冷水市人恩貢生年近八十爲人和藹坦率無
賢愚皆樂與之親貧富了不介意喜作文老猶不輟
王者臚郡庠生冷水市人早失怙恃與弟國學生際昌
交相友愛者臚病篤際昌禱以身代病果愈俱年七
十外于邑庠生姪國學生

黃金印號梧園邑庠生禮塘人脫畧世故不爲家累善丹青兼工各體書南北兩京備歷每遇名山勝境題咏最多著有詩集存家壽九十卒弟郡庠生圖南亦善畫能書壽八十餘

唐預裁隆慶里人現年八十九

唐中聯雒川里人壽八十有九曾爲社長納課有窘者代納以寬追呼償否聽之遇不平事力爲解雪今孫曾蕃衍遊庠食餼貢太學登賢書者約二十餘人

王有堂字懷玉冷水市人優增生父永謙兄弟凡八列

庠者七食餼者二四兄永祚雍正元年郡縣察舉孝友端方辭不就趙中丞申喬贈額曰化導愚蒙百口同爨有堂克承家範品端學優鄉邑推重其訓後尤以孝謹爲先今年八十有九康強逢吉子師載庠生孫明珠明允同時食餼餘皆業儒曾孫亦秀出

譚鴻謨字汝弼庠生興仁里人年終八十有八事繼母李惟謹弟鴻訓鴻誥李出也鴻謨出入必與偕杯酒隻盤非二弟在不快也後因人繁各宅母隨二弟居每日必攜酒肉詣母所視食畢溫語移時乃退與人

接雖盛暑必著衣冠鄉間無少長見鴻謨皆斂手足不敢肆子五孫十正迪正盛庠生曾孫二十多遊庠唐治德辛興里人壽八十四歲

趙宗舜隆慶里沙田人國學生識量恢廓不屑屑於名利家不甚饒而分潤不吝有求者幸如其意以去嘗喜誦疏廣請買田宅對乾隆四十四年宗舜年八十餘眼觀四代兒孫奉

旌給緞疋銀兩并絲娛大耋額八十八歲卒孫秉禮縣庠

唐文學

孝友渾厚未涉公庭現壽八十八精神康健子孫蕃衍姪宏憲入成均宏慰邑庠

零陵縣志

卷十一 耆壽

十七

雷傳世曲河人居郡城壽八十七老於童子軍而志不挫子聲暢善岐黃術無貧富皆盡心診視不計酬金人多感之翁亦以是頤養忘老孫揚先庠生

唐駿飛原名大明水東里高林橋人乾隆戊申歲貢性敏而勤學成就生徒甚衆束修自好無一事至公庭生於康熙六十一年壬寅沒於嘉慶十四年己巳壽八十八歲四子七孫曾孫四

呂彌高通德里人壽終八十有七承先人遺產日漸恢廓顧孜孜種德不倦乾隆十七年邑患疫彌高廣施

九散全活甚衆沈郡守永肩以誼敦任郵額獎之是歲沈令華施粥彌高出資勸事給額曰善蓋士林又全州修橋孝廉唐晉募捐彌高重金相飲州刺史亦資積善流芳額相贈其他行德於所識無虛歲月今下世已數十年惠澤義聲猶在人心口孫曾蕃盛衣衿濟濟云

劉潮邑庠生塔儀橋人年八十有六衣冠樸素步履健強子文楷

邑庠

蔣志能冷水年近八旬性篤友愛前邑貳尹爲題

其堂曰荆茂

胡上迎字遜齋郡城人壽八十六妻亦年相若先是母

唐氏齒登百齡上迎夫婦奉養無缺兄弟屢空身任之晚歲看書栽花外督子姪勤謹力家眼觀四代

楊其璿隆慶里人壽八十爲善於鄉枌榆推仰

黃中坟字在石水字橋人壽八十五歲子國榮邑廩生中坟嗜詩書賣田送讀志趣獨異

蔣芝萃字敬生豐樂里三星橋人年八十五少時鮮兄弟獨依孀母嘗因事留郡垣忽怦怦行坐不安不

六十里星夜歸則母陡病渴望睜睜也一見意解病亦漸瘥姪輩分種多田不較租曰吾三兄俱早世缺弟道厚姪卽厚兄也買民田田主浮屯糧五斗五升與人訟不休芝華慨然從旁領還息訟子孫詳盧氏節孝志

彭燭孝弟鄉魯塘人壽八十四歲歲貢純德庠彥禮球洛書鳳翥鳳梧其子姓也

黃中嶽字象山東隅里人壽八十四謙冲自下一生未履公庭子元烈入太學

孫宗煥字文元進賢鄉人事父母自束髮至垂白無違命或有所責敬愈加壽八十有四

蔣尙題字恒卿曲河小井塘人生於順治丁酉乾隆己未卒壽八十三樸素以敦古風寬容以消嫌隙子宗昌孫士鰲士鯤士鯉皆守訓勤正業而鯉尤慷慨有氣槩好讀書孫曾輩出遊庠登仕籍悉尙題之餘慶張功成上團里十甲人現年八十子孫蕃衍

陳三鳳字瑞生年八十親歿三十餘載每誕辰忌日必備物哭奠兄弟五人寓切偲于怡怡而卒歸于友愛

慟三兄早逝督孤姪讀書名列黌宮子志邦寔成均

唐高明邑庠生年八十性仁行謹飭動必循禮學規甚嚴

右公舉者年五十九人并恩賜頂戴六十六人凡

一百二十五語云壽者酬也自行可久之道其壽酬

於久然則壽其在天人之間乎吾獨謂斯人躬逢

盛世引養引恬有年有幹手足可以展布血氣胥歸和

平上焉伊召之天壽平格與國匹休尙已下焉寶公

之傳樂伏生之授經亦稱老師宿儒又其次康衢老

麥邱人不失爲歌祝太平之輩况家法何以風鄉里

身範何以率子孫老成卽典型也若無善狀而久生於世聖人斥之詩曰以引以翼壽考維祺介福孰大焉

附義夫

楊自箴字超林存樸里人郡學生楊昌謨之子縣學生

楊卓之父也年十八娶黃卿之女爲妻康熙二十年

自箴二十三歲黃氏故卓四歲次子存性二歲躬自

撫育父母岳父母屢謀再娶俱婉詞寢其事并曰以

奉高堂糕餌以哺幼子居恒笑語不苟嫌疑遠避鄉

族有忿輒曲爲排解癸未歲歉除存穀自食外計口
列單分給多所全活鰥居三十八載康熙五十七年
卒春秋六十有一雍正九年士民呈學牒縣請旌
唐文恢字宏先郡庠生曲河人年二十娶陳氏生二子
陳故終身不再娶家不甚饒而隣里時有任卹生平
無一事投公門乾隆壬寅黃令九敘贈八十誕辰額
曰年登大耋壽終九十一孫鳳祥亦入郡庠

楊芳懋隆慶里人未讀書能識大義年二十一喪偶子
二歲自哺之親操井臼勸再娶不聽曰吾非吝財設

我死而妻再醮我冥冥中甘乎况吾已有子娶奚爲
現年八十同里廩生唐邦定贈詩 琴瑟靜且好春
光正芳妍雅音才一撥倏焉斷其絃遺一呱呱子牽
衣泣漣漣中饋伊誰主茶鐺獨自煎形影兩相弔所
親胥矜憐爰將續娶說於邑有言宣我死妻不嫁妻
死我孤眠此義畧相準何妨兩意堅娶女我誼薄娶
婦彼節捐娶色爲色迷娶妒爲妒冤有此數者失不
娶舉完全我亦非立異我亦非慕禪我亦非好勞我
亦非吝錢不敢效今人不敢望昔賢問心若不忍因

而所見偏卓哉古君子正氣秉于天若天天自佑孫
曾列滿前年臻古稀外矍鑠病莫纏公本農家流道
理信之專此事未易能此何不便爲臣而若此千
古表忠焉爲子而若此道無改三年爲婦而若此柏
舟誌詩篇兄弟而若此九世不分遷高義盡如公古
道照坤乾

宋紹聯字捷三住城內遷善坊少孤娶陳氏生子廷璽
甫三齡陳故紹聯時二十三歲人勸繼娶曰妻存壹
志于我妻亡我分心于人是負心也奴婢鄉隣皆不

零陵縣志

卷十一 義夫

二十二

可何況夫妻堅不再娶今年七十有五耳聰目明康
強如壯年方其少也貧無產業貿易活家上而孀母
養生送死下而四歲一歲之弟衣食婚配心力並勞
合葬七十餘載始終無分異性耿介不輕與人言笑
無事杜門不出有事俯首循街側行市井習一無所
染孫三長超羣入邑庠曾孫一

周際會字倬雲進賢鄉茶園人幼入成均二十八歲妻
唐氏卒遺女二免懷子一猶未躬哺育岳父母憫子
女煢煢論再娶曰兒無母誠苦兒有後母或更苦未

可知終不娶今年七十有二猶能作小楷生平不雕
不琢純任本來面目雖倉卒不形疾遽子玉田補太
學生

高佐字延弼邑庠生木瓜埠人年二十五妻唐氏亡子
女俱幼躬親撫養戚友屢勸續弦弗聽母沒父年老
佐積被伴眠既又念非人不暖娶後母侍之現年七
十

鄉賢現存者不登志以身後論方定也若耆壽與義
夫論亦大略可見矣故存者亦登兼綴事實其採錄

簡者但列名氏